

# 北洋官報

目錄

宮門抄  
交旨  
奏請直督奏接篆日期並謝  
摺△又奏軍業法政由學員辦法摺△又奏請獎教習  
等片△直督奉巡警學生更正名數片△東甯錫獎請  
咨旗署款項摺△川督趙奏設黨家傳習摺△東蘇  
省本摺印日期摺  
公牘○督憲札一件△新樂縣稟一件△議事會申一件  
文告四則△電報五則△新聞十三則  
彙編○德華普通中學堂章程△杭垣自來水公司招股  
簡章

本局 第一百八期 法政學報 今日出版

## 宮門抄

七月初一日 農工商部 郵傳部 正藍旗值日 洵貝勒等得  
安 岐公請假十日 吏部呈進月官卷 召見軍機 溥題 熙彥 楊七琦 徐世昌 汪大燮 沈  
雲沛 農工商部遞封奏一件 郵傳部遞封奏二件

## 交旨

七月初一日 軍機大臣欽奉  
諭旨農工商部奏順直官紳請撥官荒籌辦林業據情代奏一摺著依議欽此

## 奏議錄要

直隸總督端奏接篆日期並謝 恩摺

奏為恭報奴才到津接印日期叩謝 天恩仰祈 聖鑒事竊奴才欽承 恩命調補直隸總督兼北洋大  
臣當經趨詣 闕廷仰蒙 聖訓周詳莫名欽感奴才違於六月二十三日啟程來津於二十四日准大學士署  
督臣那桐將關防文卷委員齎送前來當即恭設香案望 闕叩頭謝 恩祇領任事伏念奴才封疆久寄報稱

無聞忝膺重任於近圻實樹風聲於列服際茲時艱孔亟憲政維新撫萬方輻輳之區爲四國觀瞻所集讀管子安攘之策未效徵長仰太保平格之勛有慙 殊遇奴才惟有除積習殫竭愚誠務因時而制宜益整躬而率屬勉爲蚊負難酬 高天厚地之恩幸接 龍光冀昌 奮武揆文之治所有奴才到津接篆日期及感激下

忱理合恭摺具陳伏乞

皇上聖鑒謹 奏宣統元年六月二十七日奉

硃批知道了欽此

### 吏部奏學治館法政班學員初次畢業續行招考摺

奏爲臣部學治館法政班學員初次畢業續行招考恭摺具陳仰祈

聖鑒事竊臣部於光緒三十三年十二月

奏請擴充學治館添設法政新班定爲三學期畢業奉

旨允准欽遵在案嗣於三十四年二月由臣等將報

名人員擇尤錄取八十名分爲甲乙兩班入館肄習該學員等自入學以來尙能恪守學規各圖精進至本年暑假前三學期滿經各教習等分科試驗復由臣等當堂考試評定分數除緣事退學各員未及畢業又插班考入十五員飭令補習期滿再行考試畢業外計取列最優等十六員優等三十三員中等十員次等一員分別發給文憑伏查臣部辦公經費比年以來日形支絀而此項費用尤屬不貲惟法政爲入仕所必需自應力求撙節接續辦理仍由臣等督飭承辦司員加意整頓日臻完善以期仰副 朝廷作育人材整飭吏治之至意至臣部舊設學治館係專爲考試分發月選人員分別留館肄業其有志向學呈請入館肄業者亦日見增加自應照舊辦理合併聲明所有臣部學治館法政班學員初次畢業續行招考緣由理合恭摺具陳伏祈

皇上聖鑒謹 奏宣統元年六月二十八日奉 旨知道了欽此

### 又奏法政班畢業學員查照法政學堂講習科章程辦理片

再查學部奏定法政學堂講習科畢業獎勵章程內開凡半年以上講習科學生畢業考試列最優等優等中等者如係有職人員京官咨明本衙門儘先派委差事外官咨明本省督撫照考驗外官新章免其再入法政學堂仍儘先差委如係舉人五貢咨明本省儘先保送考職係生員咨明本省儘先保送考選優拔及考職係監生給予八品職銜又凡在法政講習科畢業學員考列最優等優等中等者均由本學堂造冊彙咨各該管衙門分咨巡警審判各局所聽候委用各等語查臣部學治館法政班學員係一年半畢業與法政講習科學期相同此項章程既經學

部奏准通咨京外各衙門一律遵照所有臣部學治館法政班畢業人員自應查照辦理以符定章理合附片陳明  
謹 奏宣統元年六月二十八日奉 旨知道了欽此

又奏將到館在先之教習辦事各員請獎立案片

再臣部前奏擴充學治館添設法政新班一摺內開舊有提調教習各員俟畢業後如該員等始終不怠再由臣等  
從優保獎以示鼓勵等語此次法政班學員業經畢業所有教習辦事各員皆能勤慎將事本可照章保獎惟各該  
員到館先後不能一律自應由臣等將到館在先之員先行存記俟此次續考學員畢業以後再行分別保獎以重  
名器而免冒濫理合附片陳明謹 奏宣統元年六月二十八日奉 旨知道了欽此

署直隸總督那奏北洋巡警學堂未畢業學生名數不符請更正片

再查本年二月間前督臣楊士驥具奏遵章改設巡警學堂暨各屬設立教練所一摺奉 硃批該部知道欽此  
欽遵在案嗣因北洋巡警學堂新招學生係屬九十名除因病退學十名外實在未畢業者八十名與原奏內未畢  
業學生五十名之數不符隨經咨部更正現准民政部咨覆仍應由直奏明辦理等因理合附片具陳伏乞 聖  
鑒敕部查照更正謹 奏宣統元年六月初六日奉 硃批該部知道欽此

東三省總督錫良奉天巡撫程德全奏清查旗署款項籌辦生計摺

奏為清查旗署款項籌辦生計事宜以免虛糜而歸實用恭摺仰祈 聖鑒事竊上年屢奉 諭旨變通旗制

推廣生計尤注重於實業教育事關久遠自非先籌的款不足以備應用而期實效奉省財政支絀既不能另籌鉅  
項專備興辦生計之需而實業教育等事亟應預為規畫待款孔殷勢難久緩辦理尤屬非易前經責成旗務司先  
從清查款項革除積弊入手即以旗署原有之款還作籌辦旗務之用旋據該司調查整理切實鈎稽先後籌出公  
私款項為數頗鉅計現在所已收者共得實銀十萬餘兩每年所增收者亦得實銀十萬餘兩其中半係正款半係  
雜款分別提撥作為推廣教育振興實業之費目下已足敷用查奉省自遭兵燹案卷蕩然無論雜支各款向係隨  
時動用莫從稽考即正款亦皆無案可查非悉心考核或屬中飽或係陋規早已化為烏有無可歸公倉餘一款數  
目較多上下把持視為應得之款酌提撥用尤費經營旗務司本無管理財政之責力任勞怨艱難籌畫竟能得此

鉅款使辦理生計有所藉手其益於旗務者非小茲據該司開具清單呈請 奏咨立案前來臣等查核相符合無仰懇 天恩准予飭部立案臣等自當隨時督飭認真經理以歸實用而免虛糜一面仍將關於八旗生計事宜次第籌辦藉期成效所有清查旗署款項籌辦生計事宜緣由謹恭摺具陳伏乞

皇上聖鑒訓示謹 奏宣統元年六月二十六日奉 硃批該部知道單併發欽此

### 四川總督趙爾巽奏各屬籌設蠶桑傳習所大概情形摺

奏爲川省各屬籌設蠶桑傳習所推廣蠶桑辦理大概情形恭摺仰祈 聖鑒事竊川省古號蠶叢地土沃美蠶桑之利紀載夙稱自罌粟廣種絲業日減歷任督臣籌施補救遠自江浙購秧覓種分發各屬領用種者漸多風氣漸轉然除著名產絲各處外仍未盛行無他有罌粟之利誘於前雖語以蠶桑之益而彼不願也近年迭奉 諭旨禁煙並嚴定年限民間漸知罌粟爲害勢不得不棄而他圖奴才因是迎機開導文告之外加以演說爲定種桑保護之條養蠶特別之利各屬聞風頗能興起山澤農民且有自剷煙苗而補種桑樹者羣情趨向亦可見矣惟種桑養蠶非先明其學理究其利病則收效不良向來蠶業之家墨守舊法於改良繅絲求合華洋銷路更少究心勢非聘人講授無以開其新機非教育普及無以一其心志查省城原設之農業學堂合州所立蠶桑公社近年畢業已有百數十人川中就學江浙及日本蠶業學校亦有畢業回籍者師資旣無待外求教法可漸期周備是以飭令各屬就地籌款設立蠶桑傳習所分別複式簡式選聘教員學理與實習兼授複式三學期以上畢業簡式兩學期以內畢業明訂通章俾資遵辦除邊僻瘠苦及風沙寒劣不宜蠶桑現計成立複式傳習所之州縣已有十七處簡式傳習所之廳州縣五十二處複式簡式兼習之府縣三處學生共三千四百餘名其已設蠶桑公社學堂不再設所及趕修蠶室秋冬開辦者尙不在內而保甯鄰水合江彭縣等處柘樹最多飭令兼養山蠶爲要銷路以洋莊爲多前年曾有商人在漳川設廠收購用新法繅絲運滬頗得善價後因他事停辦奴才以已成之廠廢棄可惜况當推廣蠶業更宜保持俾資仿效亦經撥解官款另覓殷商辦理以竟其功復擬在省城另設蠶桑師範講習所廣造師資並求蠶學統一之效現屆夏蠶已飭勸業道派員分路檢查各屬傳習所辦理是否得法隨時詳加指導分別獎罰務使各地方官推行始終不懈三五年後蠶業大興利源日裕庶足以慰

朝廷廑念民生之至意所有川

省籌設各屬蠶桑傳習所大概情形理合恭摺具陳伏乞

皇上聖鑒訓示謹 奏宣統元年六月二十七日奉 硃批知道了欽此

謹將川省籌設蠶桑傳習所各屬分別複式簡式繕具清單恭呈 御覽 金堂縣蘆山縣江安縣內江縣彭縣

資州蒼溪縣巴州岳池縣中江縣蓮溪縣永川縣銅梁縣開縣達縣渠縣 以上複式 成都縣華陽縣溫江縣新

都縣郫縣崇甯縣德陽縣羅江縣彰明縣名山縣天全州清溪縣樂山縣峨眉縣夾江縣犍爲縣眉州丹棱縣彭山

縣青神縣邛州宜賓縣南溪縣筠連縣高縣隆昌縣瀘州合江縣資陽縣井研縣南部縣昭化縣通江縣劍州南充

縣儀隴縣鄰水縣三台縣射洪縣安岳縣巴縣江津縣榮昌縣大足縣璧山縣定遠縣江北廳鄆都縣萬縣忠州梁

山縣秀山縣 以上簡式 夔州府威遠縣長壽縣 以上複式簡式分班兼授宣統元年六月二十七日奉

硃批覽欽此

署理山東巡撫孫寶琦奏接篆日期並謝 恩摺

奏爲恭報微臣接印任事日期並感激下忱恭摺叩謝 天恩仰祈 聖鑒事竊臣於五月二十二日請

訓仰蒙 召見訓誨周詳莫名感激 陛辭後旋即束裝出京由天津乘輪船取道青島本月初六日馳抵濟

南省城准升署兩廣督臣袁樹勛濟南府知府張學華撫標中軍叅將劉雲會將 王命旂牌暨印信文卷等

件移交前來臣當即恭設香案望 闕叩頭祇領任事訖伏念臣浙西下士知識庸愚久備馳驅涓埃無補茲復仰

承 恩命暫綰疆符 寵任優加悚惶無已查東省政治向稱繁劇近復加以籌備新政及各國交涉在在均

關緊要自升署兩廣督臣袁樹勛到東年餘疊加整頓一切有關憲政各事業已次第籌畫漸有規模臣惟有督飭

司道等共矢公忠力求實際不敢以暫時攝篆稍涉因循以期仰答 高厚鴻慈於萬一再臣此次經過沿途州

縣一路雨水沾足秋成可望堪以上慰 宸廑所有微臣接印任事日期並感激下忱理合恭摺馳陳伏乞

皇上聖鑒謹 奏宣統元年六月十四日奉 硃批知道了欽此

### 公牘錄要

督憲端據礦政調查局詳覆核議沙河縣境煤窰稅照前案妥辦札飭沙河縣遵照文

爲札飭事查接管卷內據礦政調查局詳稱現奉前憲台楊札開據沙河縣詳稱宣統元年三月初四日奉礦務局札開本局呈詳沙河縣現抽煤捐擬請改爲煤稅按照部章徵收通融准其留支各費併擬補給憑照請核示緣由奉批查此案前據沙河縣來稟業經札飭該局核擬在案茲據詳稱該縣所收煤釐核與礦章不符擬請改爲煤稅每噸徵收稅銀一錢核計每筐重八十觔上下抽收庫平銀五釐此項稅銀凡該縣應需開支各款准其照案提用餘銀按月解交該局收存彙案解部地主酌給紅利不得開支稅款並照房宛兩縣柴煤舊審辦法飭令各密戶一律補領憑照各節應准照辦仰候轉飭遵辦摺存此繳等因奉此查該縣境內柴煤小礦共有若干處每處各有資本若干每礦各佔地畝若干是否官荒抑係民業即應由縣清查明晰造具細冊詳送憑照而備稽考合將詳稿並酌擬補發柴煤小礦憑照詳稿一併抄單札飭該縣遵照辦理詳覆以憑核辦毋違計粘抄詳等因奉此遵即傳集各地主並密戶人等去後旋於三月十八九等日據地主程如嶺申翰周申辛酉胡道正胡道信申同心馮自福程永祥申德先程狗保程繼志申鳳林宋全義申雲蘭申石保申代保並三成密戶邢兆一久安密戶孟廣榮三盛密戶趙萬祥久盛密戶孟廣久長興密戶宋達魁人和密戶劉鴻勳等先後到案訊據程如嶺等供稱伊等均係同心坡地主向係將地租與邢兆一等開採從前用機器開過概歸官辦因本重利微旋即停止改爲民間七挖旋興旋止雖有煤質不甚興旺且有廢盡工本或爲水泉淹沒或爲流沙所阻是以歷來開採從無一處經久恒受萬世空糧之累前以各密十成抽收除納府縣各衙署及大公房辦公外以五成歸地主於光緒三十年開辦學堂以十二成抽收僅給地主三成其餘九成歸學董經理以七成辦學堂一成辦巡警一成辦工藝伊等實保得不償失如伊等不得開支稅款僅能酌給紅利要知密主開採賠本者多獲利者少而紅利更不必言及不如按畝豁糧共成官礦伊等情愿得錢另置產費以免凍餓據邢兆一等供稱伊等均在同心坡集股創治煤密定章以賣煤京錢一百吊抽收釐金十二吊分作十二成開支地主三成其餘九成作爲學堂工巡等項經費抽項不爲不重伊等每日出煤無多用費甚巨竟有賠本數千吊者質衣賣產完納釐金若再飭領憑照雖據房宛煤礦資本四千兩以下者納照費銀十兩無如煤密興衰無定有採而不開開而復閉亦有農忙時開採未久即行停歇因是各密煤層均極磽薄即所出僅供民間炊爨不適火車機廠之用銷路不廣是以不願開採惟有懇請援照官報兩廣總督張奏以辦

礦爲難暫免井口兩稅現奉

諭旨允准在案況沙邑煤窰已抽收九成辦理學堂工巡各新政較之廣東已爲

吃苦如不稟請轉詳暫緩領照免扣地主開支稅銀將來恐已辦者轉爲停歇未辦者必裹足不前各等語卑職查此項煤稅除開支學堂工巡外並無餘利惟有地主三成儘數解解果屬法良意美無如該地主程如嶺等均以靠地養家又緩地糧前支五成後支三成已覺抱屈若再將三成提淨又無紅利可分該地主等衣食無著凍餓堪虞其情不無可憫可否仍行照舊暫緩領照免交稅銀之處卑職未敢擅專茲奉前因除飭各窰戶改爲煤稅外擬合遵飭造冊具文詳送查核俯賜批示祇遵實爲公便等情到本大臣據此除批據詳已悉該縣各煤窰擬請暫緩領照免交稅銀各節候飭礦政調查局核議具覆飭遵繳印發外合行札飭札到該局即便查照核議具覆此札計抄單等因奉此遵查職局前因沙河縣按筐徵收煤釐核與部定礦章每煤一噸徵收稅銀一錢之例不符自應將煤釐改爲煤稅其該縣學堂巡警工藝等費暫仍通融准其照案於煤稅項下提支餘銀按月解局至地主遵照章程祇能酌給紅利不應在於稅項開支詳請飭令遵辦旋據該縣亦以前情據詳到局當即批令遵照詳案辦理各在案茲奉前因職道紹基筠孫等詳細酌核此案既經詳明准其由所收煤稅項下提支辦理地方公費已屬變通若必如來詳辦理不但於稅課有關亦與礦章相背籌思至再自應仍照前詳飭令遵辦以昭妥洽是否之處理合具文詳覆憲台查核俯賜轉行沙河縣遵照前案辦理并乞訓示祇遵實爲公便等情到前署大臣移交到本大臣據此除批准外合行札飭札到該縣即便遵照前案辦理此札

新樂縣麥令汝良稟捐籌經費招募馬勇協同馬巡練軍分路巡邏文並批

敬稟者竊查卑縣地方南界正定北界曲陽東界定州西界行唐東南界無極藁城交界處所每爲盜賊逋逃竅此拿彼竄路徑分歧捕務已形棘手而縣境鐵路綫長數十里彈壓巡護僅恃練軍步隊一哨更有路長兵少之虞幸賴練軍馬隊一哨駐紮縣境邯台村東南一帶藉壯聲威惟東北西三面地面空虛客軍既難兼顧而闔境巡警自裁兵加餉後實在僅一百二十餘名分之各局零星散布防範更難周密況時當夏令青苗在地高粱茂密青紗帳起之時田疇曠野隨處皆可藏奸小則路截行人大則糾夥強劫騷擾行旅妨害治安實屬地方隱患若非添練馬勇常川梭巡實不足以寒匪胆而衛閭閻查卑縣地瘠民貧練勇經費頗難籌集如派之於民竊恐民信未孚重增

民累卑職身任地方責無旁貸但求有益於民不計一身之累即經竭力撙節再四籌維先由卑職招集馬勇四名每名月需餉大錢九千四名共需三十六千以及置備軍裝號衣等項暫由卑職捐籌墊發於六月初一日招齊由卑職督同巡警總局馬巡四名合之新招馬勇共有八名分派東北西三路晝則巡邏游弋夜則下道巡村無分兩夜限定時刻分赴各分局領取回照並責成各分局警董每夜酌派警兵在區綫內村莊巡邏與派出馬勇會哨每局每夜派出巡邏會哨之兵均於回照內註明以杜懶惰踰越之弊東南一面移會練軍馬隊劉哨官得升在於分防村莊照派馬勇一律梭巡每五日與縣勇會哨一次以期晝夜有巡邏之人境地無容足之匪庶幾消息靈通防範周密行旅居民可期安謐用慰 憲台綏靖地方保衛閭閻之至意除再由卑職督帶勇役巡警在交界處所會同隣封州縣整頓捕務外所有捐籌募勇會同馬巡練軍巡邏地面緣由是否有當理合會稟 中堂查核立案實為公便肅此具稟恭叩 助祺伏乞 鈞鑒

署督憲那 批據稟已悉仰警務處轉飭該縣督飭認真巡查以靖地方此繳

天津縣議事會申津海關道請禁止租界淫戲文

為申請事案據天津縣文童宋崇祺到議事會投遞說帖內稱為男女合演蹦蹦有傷風化懇請提議禁止以免淫俗而正人心事竊查蹦蹦淫劇作俑於東八縣每劇二男伶一裝男一扮女演唱淫詞形容許多醜態蓋該淫劇以調笑為專長誨淫為善技污穢之詞不絕於口摸索之象復現諸形種種不堪筆難罄述前經河東眾紳商稟請商會移請權憲照會義俄領事驅逐雖未盡淨而風亦少殺不意日久玩生竟有不法之徒恃洋人為護符租界為保險勾來無恥流氓金玉紅諸角色在俄界晝夜男女合演淫劇其醜態百出較兩男演唱為尤甚致引津郡男女朝朝奔集該園晝夜雜坐一室中笑謔之聲達於戶外就風俗言已達野蠻極點按利害論難保無淫奔等情况茶園為下等社會之藪若該男女合演之蹦蹦多唱一日即於教育界多添一層障礙且現今女學宏興該淫劇更宜嚴禁實有刻不容緩之勢童因維持風化起見不揣冒昧謹備說帖懇請提議禁止務使根株淨盡以挽淫俗而正人心則津郡蒙福無涯矣等情當由敝會同核議僉以男女合演蹦蹦洵屬有傷風教該文童投遞說帖懇求禁止係因維持風化起見理合備文申請憲台據情照會俾得速行嚴禁實為公便須至申者



# 文告錄要

農工商部批示○吉林賓州直隸廳同知李澍恩稟 批據稟暨農安縣丁未戊申報告書兩冊均悉國家爲州縣之積整理國治必自改良州縣行政始此漢治所以眷眷於良二千石也該同知通達治理熱心憲政視事農安縣僅一年有五月而於學校巡警農林監獄以及試辦自治測繪輿圖諸要政次第推行百廢具舉洵爲牧令中不可多得之才察閱各項圖表章程條理秩然足覘成績本部殊深嘉尚仰將此項報告書再呈四十部候札行各省勸業道商務議員通飭各州縣體察仿辦藉爲整理國治行政統計之基礎本部有厚望焉此繳書存督憲批示錄要○運司詳明官硝局會辦耿直牧署理撫甯縣篆務派委董守士恩接充由 批如詳派委仰卽飭遵此繳○運司詳新河官運事宜改委汪運判昭昂前往接辦由 批如詳改委仰飭該運判汪昭昂認真整頓以期規復原額此繳

保定府告示○爲關防詐僞以肅功令事照得本府滿洲下士清白自矢自服官於冀北思取法於冰心節勵廉隅行己則守身似玉性成耿介從政則執法如山茲者渥荷 憲恩攝篆首郡雖五日京兆敢存官衙傳舍之心而一領冰銜常懷致君澤民之志事無論乎鉅細悉本親裁政胥貴乎權衡概無旁落勉矢百千之力冀收尺寸之功惟保郡爲九省通衢五方雜處現值下車伊始恐有不法之徒或詭託親知多方誑騙或冒充宗黨遇事招搖種種弊竇不勝枚舉除密飭訪查外合行出示曉諭爲此仰闔屬諸色人等知悉自示之後務各懷遵法紀恪守箴規倘有前項匪徒招搖撞騙以及衙役人等在外託詞愚弄強賒硬借藉端滋事許卽來府鳴冤立予拏辦決不姑寬爾等亦弗疑隱致干同罪毋違切切特示

天津縣議事會議覆公告○商民方忠義說帖爲贓証既確無俟延宕懇請咨行董事會據情詳呈 上憲以懲貪黷而恤民艱事 議覆說帖閱悉候交董事會從速核辦此覆○劉瑞卿說帖爲忍心害女欲報私情懇請評議以振風化而正人倫事 議覆說帖閱悉所陳各節按之本會章程難以置議此覆○劉錫說帖爲再陳苦情懇恩垂救以保殘生事 議覆說帖閱悉據情函請巡警總局核辦此覆○內務府會計司大糧莊頭李汝梅說帖爲陳明旗產民產各節懇恩斧斷而安農業事 議覆說帖閱悉事旣成訟本會照章不議此覆○孀婦朱劉

氏說帖為欠錢不還欺凌寡居叩恩安議飭令伊等償還以救蟻命事 議覆說帖閱悉事關民事爭議只據一造說帖本會礙難評議此覆

### 電報錄要

路透電○英國防務會議時議員贊成政府之意將陸軍擴充表式訓練軍械輸送調派等事議妥并立練習學堂與康伯利學堂相似聞英國政府陸軍大臣并委員均甚滿意謂英國必能成就普通之軍人資格云

又電○歐洲列強致書於土皇擬將克里德島土國反對之國族(希臘國)撤下土皇聲稱在對於該島交涉土政府可勿庸調派兵艦前往克里德島政府知照列強謂若將旗撤下必損夫利權并召集議員提議此事聞列強擬各派兵艦兩艘開往克里德島俟兵艦到後該島即將旗撤下

又電○英國儲君尤往南非洲舉行開辦議院典禮并擬偕其夫人同往

柏林電○德國亨利親王允充將來柏林德美大博覽會之總理

又電○俄皇擬往義國米森納理智歐兩地方遊歷

### 新政紀聞

政治

吉林諮議局議員名單○吉林府 姜宗義 徐穆如 松毓 慶康 李芳 福咸 祝華如 穆錫侯 長春

府 何印川 郭善成 鄭雨人 王乃欽 趙學臣 梁雲輔 王玉琦 王成典 李雲章 張雲五 賓

州廳 王叔槐 富克興阿 姜維嶼 蕭鍾廷

丹陽自治公所開辦○江蘇鎮江府屬丹陽縣羅大令前奉撫院頒發城鎮鄉地方自治章程後當即照會勸學所

教育會商會鄉董公所各團體籌議辦法日前各團體假商會籌議此事並請大令蒞會擬以集義堂為自治公所公推王紳為所長並遴選幹事調查員籌辦調查戶口事宜所需經費由縣先行籌借濟用一面由縣將辦理

情形通詳各憲核示

咨行董事會事務權限○粵督現准憲政編查館咨開各屬董事會職務權限至重亟應擬定執行方法次第以資

遵守一地方經費預算案之預備一管理地方之公共事物一國費委辦之事一依據法律決行之事大吏准文

後業已札行司處轉飭遵照

學務

分科大學之經費○京師分科大學自成立以來所有應用經費頗巨若不妥爲籌畫則左支右絀不免有竭蹶之虞近聞學部堂憲以譯學館大學堂各學員領憑之項盡歸分科大學常年經費現已定議候將文憑於七月初間領訖後核計若干盡數提撥以爲辦公之補助云

學部注重專門實業○學部各堂以各處設立小學堂大率於專門實學多不注意因特飭各省提學使照奏定實

科學堂章程廣勸士紳籌款設立以示提倡

研究所注重算學○奉天遼陽塾師研究所前已開辦一股塾師均行入所研究所講之課有數種皆係關於教授之方法就中有算學一種按照原章倍加注重云

軍政

飭令新軍學電辦法○陸軍部日前咨行湘撫岑堯帥略云前經咨請揀派兵丁分赴電局學習電報電話以備行軍時傳遞消息靈通一事惟查營兵學習電報原注重於沿途發電之用若派營兵在該省電報局學習殊多窒礙應即選擇精幹兵丁前往北洋電信隊學習以資造就云

續紀協統佈置情形○江蘇新軍協統陳得龍以該軍尙少輜重隊稟准撫院瑞莘帥度地於閶門外鴨蛋橋附近建造營房以備開辦之用茲悉協統以是軍各隊均已完備惟輜重及工程二隊尙付闕如雖經前協統迭次提議而前撫軍終以經費難籌未經照准現陳協統稟准莘帥飭於善後局提撥應用已將該二隊弁兵額餉細數核定由善後局支領照八成放給云

川省設立軍醫院○成都軍醫學堂已設數年曾經畢業一班茲聞於東門外紅石柱街拓地建屋創設軍人醫院考選卒業生常川住院凡軍界中人染患疾病準隨時來院就診藥資及他項費用均有專章聞已開辦

民事

通飭編訂戶數冊○奉天遼陽全境人戶前經巡警查竣列表呈報惟按照奏定章程須兩個月編訂一次以規其

增減遷移之數是以巡警總局現特通飭各路分局查照辦理云

禁煙憑照之辦法○江西禁煙公所現以官場吸煙人員已日見減少而民間吸食者仍多若非令其將煙癮由漸縮小終無禁絕之日因擬定有癮之人無論購土購膏皆須領有憑照憑照之尾有印花一百元載明每日吸食之數往購時將憑照呈驗售者視其每日應需若干照數售與將印花裁下黏簿彙呈公所查驗購一日者裁一元購十日者裁十元每次以購十日爲止不能多購俟滿百日後印花裁畢即須換領新憑新憑所載吸數比舊憑減少以此由漸縮小不知不覺可以望其絕斷現已擬定章程詳院批准不日即須施行

路礦

札委總務礦務兩科長○浙省勸業道署設立勸業公所一切用人董觀察悉照部章辦理惟總務礦務兩科長非才具出色人員不克肩此重任總務科科長查有知府桂太守站於實業一門頗有心得業已札委是差至礦務科科長一席則委工科舉人內閣中書許中翰炳堃辦理均已一律到差

宜萬鐵路購地開工○鄂境川漢鐵路自宜昌以下統歸鄂省認修宜昌以上歸川省承修現在宜昌府城上游購地開工已經督辦大臣張中堂委員會同辦理茲悉張中堂以該處地價等則鄂省前經派員會同東湖縣查明核與江夏咸甯等縣地價不相上下復因錢價跌落並經參酌粵漢武穴購地章程量爲增加明定等則出示囑購有案此次應由委員會同地方官及川紳查照前案從速妥爲丈量購填契造冊呈核除分飭外並會同陳小帥出示曉諭該地各業戶知悉略云鐵路乃國家交通要政一經通行凡民間工作生計商貨懋遷莫不愈加繁盛受益無窮爾等地畝如在應圈以內者務須聽候委員示明限同丈量查照後開等則價值算明錢數填寫實契載明錢糧數目花戶名色以憑過割一面書具領狀赴局領價並無絲毫留難各業戶當知此次圈購鐵路應用地段暫由川省代修代管期滿之後仍由鄂省贖回自行管理現在即與鄂省自修無異至所定官價均屬從寬定擬切勿藉端居奇致干咎戾倘有刁徒從中阻撓煽惑定即嚴拿懲辦決不姑寬計開 田畝價目(上則)每畝錢四十四串文(中則)每畝錢二十八串文(下則)每畝錢二十二串文(荒地)每畝錢七串文(有業山地)每畝錢十四串文

第七條 考試之前應酌給學生溫習時限其時日視應考科目多寡酌定

第八條 五年已滿舉行畢業考試本堂分給各生文憑憑內列明各課程成績

第九條 考試記分數按以下式樣核計最優者定為一百分各門所得分數總計為一再以課程門數平均是為考試平均分數

第十條 年終大考合計分數之法如下將每年第一次季考之分數加上上半年學期考之分數合為總數以二

除之將所得平均之數再加以下半年季考之分數合為總數又以二除之復將此次所得平均分數加以年終大考分數合為總數再以二除之即以此次所得平均分數是為每年平均分數

第十一條 學生品行分數與修身科分數平均為修身科分數不必另立一門

第十二條 學生考試其平均分數不滿四十分者應由各教員會議分別降班

第十三條 學生考試其平均分數一連三次不滿三十分者應令其退學

第十四條 每次考試後應將學生平均分數榜示周知

第十章 休假

每年假期之日遵照學部每年所頒之假期表辦理

第十一章 宿舍規則

第一條 學生欲住堂者每月應交房費一元各項煤火等費學生自備

第二條 住堂各生應按照本堂堂規恪切遵守

第十二章 附則

以上各條自華歷宣統元年七月十七日即西歷一千九百零九年九月一號試行

商辦杭垣自來水有限公司招股簡章

第一章 總綱

第一節 本公司稟奉撫憲暨各大憲批准立案定名曰商辦杭垣自來水有限公司俟公司成立後擬刊鈐記文曰商辦杭垣自來水有限公司鈐記申報備案以資信守

第二節 本公司創辦伊始成本浩大俟公司成立後呈請撫憲咨部立案註冊奏請專辦年限以垂永久而保商本

第三節 本公司以衛生禦災開闢水利爲營業宗旨

第二章 股份

第四節 本公司事經創始所有水道線路建築成本須俟工程師測量後再行製成預算表及設計書現時擬籌集資本百萬元分作十萬股每股洋十元除由發起人擔認四分之一計洋二十五萬元其餘悉招華股不收洋股以保利權

第五節 前節股份分三期繳清第一期自宣統元年六月十五日起九月底截止每股收洋五元第二期自宣統二年二月初一日起四月底止每股收洋三元第三期自八月初一日起十月底止每股收洋二元全繳者聽

第六節 股息常年八釐自收到股款之次日起息於每年股東會時憑股單息摺照發如有贏利同時分派

第七節 本公司收股處就地託省城各銀行錢莊外埠均由公司託富紳巨商殷實莊號代收即時掣給收據截留存根寄交本公司彙列總冊俟三期股款繳足後由股東向本公司掉換股票息摺或就近向原收股處掉換亦可

第八節 本公司另備紅股五千股能招足二十股者給紅股一股其官利紅利與正股一律分派以爲經理招股人之報酬

第九節 本公司股票面載股東姓名籍貫號數股數銀數及年月日加本公司圖記再由創辦董事人簽名蓋印爲憑

第十節 本公司設有股東名冊所記各項如下 一記股東姓名籍貫並現在住址及通訊處 二記各股東股數及股票號數 三記各股份附入與轉賣後附入之年月日

第十一節 本公司股東無論自賣與轉賣以載於股東姓名冊者爲憑如遇有抵押因而糾葛者本公司惟票載及冊載姓名之人是認

腿如針刺 ○廣東製藥師患骹骨疼痛之症甚劇曾為韋廉士大醫生紅色補丸所治愈 骹骨疼痛係腦筋之疾所致也其病狀即腿後筋系刺痛自臀至膝痛不堪言有時祇在一腿有時兩腿皆痛其症甚危若輕忽不治必將成爲可畏之瘋癱症而盡奪其動作之力矣韋廉士大醫生紅色補丸爲補腦之聖藥曾治愈全球患骹骨疼痛者已不下數千萬人即如廣東沙基大街屈臣氏大藥房副經理周君耀堦亦爲諸多所治愈而感恩者之一也茲將其保證書照錄如左云○曩者余覺右腿刺痛日甚一日勢如針刺痛穿骨髓甚極痛極不克行走祇可將腿平置而坐每因受此痛苦以致不能供職久之其痛由而轉至左腿其勢更甚左腿發腫而又發炎不啻重加酷



廣東周耀堦先生患骹骨疼痛之症爲韋廉士大醫生紅色補丸所治愈

製造其聲名昭著於歐美澳洲以及南非洲已歷有年爲補血補腦之聖藥又爲醫治由血不潔血薄若水或腦筋失調所起各症之良方曾於諸般疾病中治愈 血惡虧症 諸虛白損 少年斲喪 陽萎不舉 風溼骨痛

骹骨疼痛 左癱右瘓 氣脚衝心 山林瘴氣 肝經各病 胃不消化 頭痛頭暈 瘡疥疔疹 胸膈疼痛

癆病初發 以及少壯婦女 經水不調 背骨疼痛 氣鬱不舒等症莫不其效如神焉 韋廉士大醫生紅色補丸

○中國各處商店藥局凡經售西藥之處均有代售或直向上海九江路B字第八號 韋廉士大醫生藥局

總發行處購買亦可 價銀每六瓶大洋八元每一瓶大洋一元五角 遠近郵費一律不取

商務印書館出版各書上海總發行所

中外政法要書

議員必讀

嚴又陵先生譯著

欽定大清會典 十冊 一元二角

憲政大綱 三冊 一元二角

欽定大清會典及事例 一百六十冊 一元二角

憲政大綱 三冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

大清光緒新法令 十冊 一元二角

各省諮議局章程 四冊 一元二角

天津分館開設 河北大胡同 電話五百二十六號

警察講義 錄十四冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

漢譯日本法大全 八冊 一元五角

漢譯日本法大全 八冊 一元五角

各種雜誌 每冊一角

各種彩色地圖 四冊 一元二角



# 勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各土司又先後報災邊地高寒水泉素乏童山彌望生植不饒一遇早乾即成凶險現被災之區草樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃竄糧價日增麥已漲至每石三十六兩稻草已漲至每斤二十七文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難徧給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店  
天津獅子林北洋官報總局

# 名醫到津廣告

啟者四川曾建侯大令精岐黃歷在鄂豫京奉各局所當差所至俱以醫名屢起沉痾茲來津寓買家大橋福祿棧有患病者幸勿失此機會特佈

錢聽彝啟

# 甘肅來電廣告

各報館鑒甘荒惟首府各屬為最重有四年夫收者需賑銀四十餘萬兩已有半數現得透雨又無子種尙望提倡以救災黎

甘肅士紳同叩

# 速救黎災

敬告者現值甘肅省亢旱異常赤地千里小民直有易子為食之慘狀不忍聽聞亟應勸辦義賑以資協濟如蒙諸大神商善長慨捐賑款請送至北馬路商務總會掣取收據以便彙解災區散放拯救災黎不勝盼切之至此佈

天津救急善會謹啟

# 新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋客等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

## 得利文洋

本行開設天津上海香港志呢華海參歲等處均設立有年諸班貨物由外洋本機器廠自造磁鑲洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鑲子表墜大小八音盒並留聲話匣單雙桶千里眼砒蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

## 瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

# 武齋洋行

本行開設天津 於茲二十餘年 自運各種洋貨 絨紗布匹綢緞 鑲化屏風鏡額 磁銅料器磁藍 奇巧美術玩器 學界文房用品 旅行携帶等件 精工鑲身物料 定織各色麗氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

# 請看賣字助賑廣告

鄙人近因甘肅連年荒旱哀鴻遍野其慘狀令人不忍聽聞津門官紳商學醫藝各界均紛紛提倡助賑共成善舉鄙人毫無片長願以筆墨聊盡義務庶集腋之資或可補救於萬一自六月二十日起至九月二十日止以後無論潤資多寡概不收售今仍仿上年江北水災書畫慈善會辦法賣字助賑之款按月登報全數匯交災區如蒙賜件請交鍋店街宜蘭堂南紙局日界紅杏飯莊及英國菜市鄧公館代為交收潤資先付七日取件今將潤格各款列後

四尺楹聯 隸書篆書真書每付一元五角  
行書草書六朝每付一元八角

四尺挑山 隸書篆書真書每條一元一角  
行書草書六朝每條八角

四尺屏幅 隸書篆書真書每四扇二元六角  
六朝行書草書每四扇一元六角

鐘鼎各體 摺扇每件五角  
行書每件二角

名片真書六朝分書每名三角大匾一尺字起碼每字五角如字多字大照加

故城陳筱華謹啓

## 天津勸工陳列所廣告

謹將本所六月分所有售票數目以及代售各商號貨品件數開列於左 計開 優待票共五十二位 入覽客

票共九百六十五位 四次禮拜五 參考女客票二百七十五位 代北京農工商部工藝局售出貨品十一件

代北京輔春號售出貨品一件 代天津實習工場售出貨品五百四十一件 代天津造胰公司售出貨品七百五十六件 代天津公興公司售出貨品三百九十八件 代天津益豐成售出貨品二十五件 代天津公益公司售出貨品四百四十八件 代天津芝蘭香公司售出貨品一百三十二件 代天津同陸號售出貨品一件

代天津王子彭售出貨品七件 代天津民八工場售出貨品十一件 代天津四省堂售出貨品二件 代天津元隆號售出貨品二件 代天津三毛洋行售出貨品一件 代唐山述記公司售出貨品三件 代故城工藝局售出貨品一百十三件 代山東農產製造所售出貨品一件 代揚州梁福盛售出貨品一件 代四川勸工總局售出貨品十九件 代日本福島縣售出貨品四件 以上統共售出貨品四百八十三件 天津勸工陳列所謹啓

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

## 賣字助賑君諸請看

敬啟者鄙人因甘省荒旱異常凄慘萬狀竊聞紳商醫界後願效綿力仿照上年江北水災賣字助賑辦法計以三月為限所得潤資全數充賑旬日以來頗蒙社會所歡迎茲因發起伊始各處相繼賜件沓來紛至應付不遑鄙人作嫁依人日無瞬息於應盡責任內又不敢稍有放棄致負天職惟念甘省災區甚廣此次潤格又極從廉若不稍事變通移緩就急恐一經限滿則收件雖多而集資無幾似不足以濟需而副厚望茲承諸同志忠告囑將潤格重行改訂略為酌增以期有濟即由六月二十一日實行先擬試辦一月查看情形為再為續辦以符原訂三個月期限所得潤資儘行助賑如蒙賜件請仍送交北馬路華勝燭皂公司或舊北門內永泰合洋貨舖及舊東門內冰窖胡同瑞恆錢局代為交收庶不致悞潤資先付七日取件茲將酌減潤格列下以供衆覽幸垂諒焉

七言楹聯八角  
四尺挑山一元二角  
四尺屏幅四扇一元二角  
圓扇五角  
密股不書  
名戳一角  
連號兩角  
不在單者另議

章武順連城謹啟

## 京奉鐵路局廣告

啟者新民府一帶潦水已退本路往來火車照常通行特此佈聞  
京奉鐵路局車務處謹啟

## 京奉鐵路局廣告

啟者本鐵路天津至北京又塘沽至晉各莊各段內應行別換舊道木約有一萬八千餘根其餘各段約有三四萬根現擬投標出售如願購買每根出價值若干開列封在信封內寄交本局華收支處彙齊定期開標特此佈聞  
京奉鐵路局謹啟